

ԸՆԴՀԱՐՈՒՄ ՀԱՅԱՍՏԱՆ-ՆԱԽԻՋԵԻԱՆ ՍԱՀՄԱՆԻ ՎՐԱՅ

Ապրիլի 10ի կեսօրին ադրբեջանական Ախուռն գիւղի կողմից ԳԱԶ 66 տիպի մեքենայով ադրբեջանցի շուրջ 10 միլիցիոներներ (ՕՍՕՆ) սկսել են կրակել անասնապահ Արմենակ Օհանեանի եւ նրա հօտի վրայ: Ատակել են երկու անասուն եւ վիրատրուել մի քանիսը: Հովուին օգնութեան են հասել Հայաստանի խորհրդարանին ենթակայ յատուկ զնդերի մի քանի մարտիկներ: Հովուին յաջողուել է ձորով քարձրանալ յաջորդ հովուի մօտ: Այս վերջինը լուր է հասցրել գիւղ, որ անասունները կոտորում են եւ հերթապահները շրջափակուած են: Դրանից յետոյ յատուկ զնդի միւս մարտիկներն ու գիւղի բնակիչները շտապել են օգնութեան: Հրաձգութիւնը չի դադարել մինչեւ գիշեր, երբ տղաներին յաջողուել է ձեղքել պաշարման շղթան: Գիւղին օգնութեան են հասել նաեւ Արարատի եւ այլ շրջաններից: Բարեբախտաբար, վիրատր կամ զոհ չկայ:

Յաջորդ օրը լարուածութիւնը պահպանուած էր եւ երկու կողմերը մընում էին իրենց դիրքերի վրայ, սակայն հրաձգութիւն չկար:

Խաչիկ գիւղը Հայաստան-Նախիջեան սահմանին վրայ ռազմավարական կարեւոր դիրք է գրաւում: Այն թերակզու նման մընել է Նախիջեանի տարածքի մէջ:

Գիւղացիների կարծիքով -ադրբեջանցիները եթէ դիմացի լեռներում դիրքատրուեն, ժողովուրդը պիտի չկարողանայ աշխատել կիրճերում եւ հարթավայրերում: Գիւղը անյապաղ աջակցութեան կարիք ունի: Առաջին հերթին, սակայն, անհրաժեշտ է գիւղը դուրս բերել մեկուսացումից՝ ադրբեջանցի հրոսակների շրջափակումների վտանգից փրկելու համար: